

Universitätsbibliothek Paderborn

Ioannis S. R. E. Cardinalis Bona Opera Omnia

Tribus Tomis comprehensa

Opuscula Spiritalia - I. Horologium Asceticum. II. Principia Vitae Christianae. III. Manuductio ad Coelum. IV. Via Compendii ad Deum. V. De Sacrificio Missae. VI. De Discretione Spirituum ... Operum Eminentiss.
Cardinalis, Tom. I

Bona, Giovanni

Parisiis, 1677

§. 9. De Consecratione usque ad Orationem Dominicam

urn:nbn:de:hbz:466:1-9969

super oblata veteri ritu, ut ea transferas in Dei potestatem, ipsum exorans, ut ab aeterna damnatione nos eripi jubeat, & in electorum suorum grege numerari. Tum ipsi commendas sacrificii oblationem, ut eam in omnibus benedictam, & inter dona sibi grata ad scriptam & ratam, sive approbatam, & confirmatam: atque rationabilem, divinis scilicet rationibus congruentem, ac tandem acceptabilem, id est dignam, quae non solum ex parte doni, sed etiam ex parte ministri offerentis à Deo acceptetur non quidem ex nostris meritis habere, sed sua gratia facere dignetur. Porro ad illa verba, *Vt nobis corpus & sanguis fiat dilectissimi Filii tui Domini nostri Iesu Christi;* actuali & expressam intentionem renovabis consecrandi corpus & sanguinem Christi per transsubstantiationem panis & vini Christi verbis conficiendam.

§. IX. *De Consecratione usque ad Orationem Dominicam.*

POst multas oblationes verbis haec tenus expressas, sequitur tandem realis oblatio, qua idem Christus in cruentè immolatur, qui in ara crucis semel seipsum cruentè obtulit. Quod si haec tenus necessaria fuit puritas, humilitas, & reverentia; multò major nunc requiritur, cum ad tremendum mysterium non sine timore & horrore perficiendum appropinquas. Humilia te igitur quantum potes, & recordare quid acciderit Ozæ: tum ea Christi verba tibi ad aurem dici existimā: *Ecce appropinquat hora & filius hominis tradetur in manus peccatoris.* Considera te hic Christi personam gerere, totumque hominem internum & externum ad ejus majestatem & sanctitatem compone: & cura ne quid sit in te dissonum à persona quam sustines.

Hæc verba, *Qui pridie quam pateretur,* proferuntur historicè, & recitativè, ut inspicias & facias secundum exemplar, quod tibi à Christo Domino monstratum est. Cum dicas, *Accepit panem in sanctas ac venerabiles ma-*

Rr iiij

nus suas, considerabis quam puræ debeant esse manus ;
 quæ tantum pignus atrectant, & hinc disces hoc opus
 esse divinæ omnipotentiaz. Cum oculos in cælum elevas ,
 illuc træsferes universas animæ vires & cogitationes. Cum
 dicas gratias agens , gratias item ages ob hujus sanctissimi
 sacramenti institutionem. Verba consecrationis prolatus
 considera te ea formaliter & enunciativè proferre in per-
 sona Christi. Ipsiis autem prolatis penetra oculis fidei id
 quod latet sub speciebus sacramentalibus : tum genua fle-
 Ætens aspice iisdem oculis fidei exercitum Angelorum te
 circundantem, & cum illis adeò profunda reverentia Chri-
 stum adora , ut cor tuum usque ad abyssum humilis. Ad
 elevationem , Christum in cruce exaltatum contemplare,
 & ora ut omnia trahat ad seipsum. Varios etiam virtutum
 actus , eosque intensissimos elicies , nunc hos , nunc illos ,
 fidei , spei , amoris , adorationis , humilitatis , & similium ,
 mente dicendo , *Iesu fili Dei miserere mei. Dominus mens*
& Deus meus. Amo te Deus meus , & adoro toto corde &
affectu. Poteris eriam renovare intentionem pro qua cele-
 bras , & sacrum offerre secundum quatuor fines. Specia-
 liter verò cum calicem elevas , memor eris cum sensu do-
 loris & lachrymis sanguinem Christi pro te effusum fuisse ,
 & à te sæpè contemptum : ipsumque adorabis veluti in
 compensationem præteriorum contemptuum. S. Petrus
 Martyr in calicis elevatione gratiam petebat martyrii &
 obtinuit : tu adversitatum incruentum martyrium postu-
 labis.

Ad illa verba , *Hæc quotiescumque feceritis* , passionis &
 mortis Christi recordaberis , quam consecratio panis à
 consecratione vini sejuncta repræsentat. Et quia peracta
 consecratione statim adsunt sancti Angeli , & perseverant
 venerabundi , donec sacrificium sit consummatum ; tñ
 horum reverentiam æmulare. Nam si cælum est , ubi est
 Deus , cælum sine dubio efficitur sacrum altare , in quo
 tantum peragis mysterium , tuque admirabili summi boni
 participatione quodammodo deificaris. Quoties verò ho-

stiam tanges aut calicem , Christum complectere & cordi
tuo adstringe omni possibili amoris affectu.

Post consecrationem sequitur Oratio, *Vnde & memores*,
qua Christi passionem , resurrectionem , & gloriosam as-
censionem commemoras , quibus mysteriis excitatur fides,
spes robatur. Sperare enim debes per merita tam bea-
tæ passionis , è qua omnis beatitudo nostra promanat , te
aliquando participem futurum resurrectionis , & ascen-
sionis in cælum , ac gloriæ sempiternæ. Nec nudam so-
lummodo adfers mysteriorum commemorationem , sed
simul cum hostia pura , sancta , & immaculata , corpore
scilicet & sanguine Christi , licet enim propter species sa-
cramentales panem adhuc nomines , non tamen panem
qui prius erat , sed *panem vita æterna* , & *calicem sa-
lutis perpetuae*. Elicies autem actus gaudii propter Chri-
sti glorificationem , & cum dicis , *suprà qua propitio ac
sereno vultu* , offeres Deo omnia antiqua sacrificia.

Cum inclinatus Deum rogas , ut sacrificium perferriri
jubeat in sublime altare suum per manus sancti Angeli
sui , ad summam interiorem humilitatem te excitabis , &
ipso beatissimos spiritus orabis , ac nominatim S. Mi-
chaëlem , ut opem tibi ferant. Cum dic's , *Omnibenedi-
ctione & gratia repleamur* , ingens desiderium elicies con-
sequendi ex meritis Christi omnia possiblia dona , quibus
maxime possis Deum glorificare. In *Memento* mortuo-
rum orabis primò pro consanguineis : tum pro iis , qui ti-
bi causa fuerunt alicujus crucis , seu molestiæ : deinde pro
benefactoribus , postea pro aliquo recenter mortuo ; aut
specialiter commendato : demum pro iis , qui neminem
habent , cuius suffragiis nominatim juventur.

In illa oratione , *Nobis quoque peccatoribus* , agnosce
te peccatorem esse circundatum infirmitate , & time : li-
cet enim nihil tibi conscius sis , non tamen in hoc ju-
stificatus es. Spem igitur erige ob multitudinem misera-
tionum Dei , & magno animi ardore partem aliquam &
societatem cum sanctis tibi donari humillimè pete , atque

R r iiii

in eorum consortium admitti, optando eximiam vitæ sanctitatem pro majori Dei gloria in Christo Jesu Domino nostro. Per quem, ais consequenter, *hec omnia, Domine, semper bona*, panem scilicet & vinum, *creas*, quia per ipsum omnia facta sunt: *sanctificas* cum in prima oblatione sacrificio sunt destinata: *vivificas* mediante transubstantiatione: *benedicis*, quia per hæc sacramenta copiosam acquirimus gratiam; & *præstas nobis* in cibum & redemptionem. Porid hæc verba valde ferventer pronunciabis, itemque sequentia, quia per Christum, cum Christo, & in Christo est *Deo Patri omnipotenti omnis honor & gloria*. Hic autem gratulari poteris toti sanctissime Trinitati gloriam quam habet per Christum: & dum tenes hostiam super calicem offeres SS. Eucharistiam, quam sub utraque specie in manibus habes, in laudem & gloriam Dei, pro omnibus beneficiis, in expiationem culparum, & pro omnium bonorum imperratione.

s. X. *De Oratione Dominica usque ad Communionem.*

Absoluto Canone jam te ad communionem præparare debes facto initio ab oratione Dominica, quam cum tremore, & filiali erga Deum affectu recitabis, oculis in sacramentum intentis, quia Christus simul cum Patre preces tuas audit & exaudit. Septem sunt ejus petitiones, in quibus summatim continentur res omnes à Deo petendæ, & pro quarum impetratōne hoc sacrificium offertur. In prima petitione desiderium excitabis eximiæ tuæ & aliorum sanctitatis, ut gloria Dei augeatur, ut ab omnibus ametur & timeatur, ejusque sanctitas, bonitas, sapientia ubique innotescat. In secunda optabis D̄eum in tua, & cæterorum voluntate regnare, simulque petes ad regnum illius feliciter pervenire. In tertia rogabis, ut omnes homines sic Deo serviant & obedient in terris, sicut ei ab Angelis servitur in cælis, nunquam peccando, & quæ illi grata sunt semper ferventissimè faciendo. In quarta omnia necessaria pro vietu, vestitu, cæterisque